

渭南縣志卷之三

邑令蜀鹽亭岳冠華子賓纂修

建置志

凡建邑以為民也衛之以城池臨之以公署教之以學校風之以坊表則統體立焉而且舖遞以傳文命橋渡以通徒輿經制備矣諸所創立彰軌物而樹風聲悉政治攸關也考工慮用擇可而勞俾有基勿壞司土者可傳舍視之哉

城池

渭南縣志

卷之三

建置

一

按舊志元以前仍隋所築顧周僅三里奇洪武初吳丞雲攝縣事拓修之周七里城有門四東曰拱華西曰望秦南曰通原北曰臨渭拱華望秦二樓自築城時有矣臨渭樓乃嘉靖中梁令沂荆建者獨通原無樓耳乙卯地震傾圮殆盡明年李令希錐詢謀經始拓基崇塘築臺門建飛樓卒稱保障獨塞通原門從堪輿說也隆慶初崔令廷試仍闢通原門增飛樓居民便之尋因石州之警保釐者激梁令許增築之崇基廣顛增角樓益敵臺而門



闌則猶凹然未起也詳載憲使薛公騰蛟記中  
曆初褚令順起門闌與城顛齊而顛及睥睨水道  
俱甃以令辟城工始告竣矣迺又易名曰引華襟  
沿帶渭抱豐云後抱豐樓毀徐令吉修緝城垣創  
起缺樓以張風氣

本朝順治閒尚令九遷康熙閒孫令熿黃令培相繼  
補修雍正三年朱令嘉耀重修東西兩城未畢罷  
去七年知縣岳冠華重築北城十二丈城顛睥睨  
俱甃以磚東西門重建弔橋至八年十月始告竣  
仍爲完城焉

渭南縣志

卷之三

建置

岳冠華曰易云設險守國又云重門擊柝以待暴  
客城池綦重哉恃陋而不備何守土之爲也春秋  
傳曰城者完舊築者創始民力幾何其能堪勞且  
費也唯是措處以備物雇募以程工高高下下慎  
乃保障庶幾思患預防之道乎

公署

城中人和街北元以前莫可考明洪武初吳丞雲  
翻新之成化中周令寧正德中王令鑑相繼增修



嘉靖乙卯地震公私廬舍傾圮殆盡明年李令希  
維草創首事然皆湫隘非垂久計三十八年趙令  
雲程始建牧愛堂四十一年劉令翺隆慶中帥令  
祥次第建置稱大備焉萬曆中張令棟崔令邦亮  
相繼增修則益拓且固矣

本朝順治中尚令九遷康熙中孫令熿張令純儒相  
繼重修至康熙四十二年黃令培完其剝落施以  
丹碧基皆仍舊而規制視昔亢爽足稱具瞻云

大門 磚甃方臺  
上為麗譙

渭南縣志

卷之三

建置

三

儀門

四楹帥  
令祥建

寅賓館

儀門  
外左

土地祠

儀門外右俱  
令祥建

馬廐

大門內左側即  
預備倉舊址也

獄

儀門內  
西偏

戒石亭

即宋太宗所頒銘劉令翺建舊制頗底隘  
正九年知縣岳冠華改建牌坊四楹大

書銘辭於額用為  
觸目警心之助云

吏舍

在大堂前東列吏  
戶禮西列兵刑工

庫

在大堂左李令希  
建劉令翺磚甃



牧愛堂

六楹前為卷軒趙令雲程建

退省堂

牧愛堂後

官舍

退省堂後

五知堂

在退省堂左順治中尚令九遷建有自撰叙銘見藝文志

縣丞廨

牧愛堂東

主簿廨

牧愛堂西明崇禎年間裁革

典史廨

牧愛堂西

旌善亭

凡民間孝子順孫義夫節婦受旌表者備錄此亭所以獎善類勵風俗也

申明亭

其制推年高無過者里各一人於此聽理民訟得其情則以上達錄其所犯榜示於

渭南縣志

卷之三

建置

四

亭俾為惡者知所警戒息訟之法莫良於此二亭舊在大門外東西對列地震後劉令翽并建

大門東增瘴惡亭共三穗今俱廢矣

岳冠華曰縣之有署所以重臨莅壯觀瞻也頒政

敷制勅教明刑咸在於斯焉職思其居非異人任

莅之者能無慎乎

學宮

文廟在縣治東人和街北唐鄂公尉遲敬德監造宋

元相繼修葺明洪武初吳丞雲增修重新成化中

周令寧撤而改造之輪奐壯麗學使者臨川伍公



福爲記勒碑弘治中楊令同正德中王令鑑嘉靖  
中梁令沂辛令萬鈞相繼補綴頽壞藻綉彫落其  
規制則猶周之舊也乙卯地震盡圮越二年王令  
宮用藏材鳩工厥惟經始明年陞去趙令雲程繼  
之令袁簿弘彛董其事拓基崇宇恢燿聳觀倍於  
往昔有修撰蘭溪唐公汝楫記迄萬曆乙卯楊令  
所修請於按臺畢公懋康重修之又創泮池以增  
所未備焉庶子南公師仲記崇禎間張令希夏重  
修

渭南縣志

卷之三

建置

五

本朝順治丁酉陸令贊奇奉

旨重修有自撰碑記康熙四十二年黃令培重修有

邑舉人孫士傑碑記雍正九年知縣岳冠華捐俸

重修有邑舉人王琰碑記

櫺星門三座

泮池在櫺星門內池下磚甃上  
爲石梁三座楊令所修建

戟門三座

大成殿五間

御書萬世師表扁康熙二十六年



御書生民未有扁雍正三年

東廡

西廡各十二間

祭器庫在殿東西偏

崇聖祠三間在戟門外名宦祠東

名宦祠在戟門外左

鄉賢祠在戟門外右

忠義孝弟祠在儒學儀門外左

儒學在文廟西門垣聯屬洪武初吳永雲創新成

渭南縣志

卷之三

建置

六

化中周令寧拓修之其後相繼重新盡圯於地圯自李令希雒重建經始來歷數十年始備嘉靖中詔天下儒學建敬一亭鐫御製敬一箴暨宋儒范浚程頤所著五箴今亭缺諸箴列豎尊經閣下隆慶中帥令祥萬曆中張令棟楊令所修俱為增置而風雨飄搖歲久率就頽敝

本朝順治中尙令九遷陸令贊奇康熙中孫令熿相繼重修至康熙四十二年黃令培乘文廟告竣後大加修葺與宮墻並美事詳舉人孫士傑記中



庠門三間王令  
宮用建

儀門三間

明倫堂五間俱趙  
令雲程建

尊經閣梁令許建  
九遷重修  
參議南公軒記  
員外李公毓英記  
尚令

博文齋在閣下  
堂前左

約禮齋在閣下  
張令棟建  
今廢  
前右俱

號舍六穗在儀門內  
向張令棟建  
今廢  
西東

教諭宅在明倫  
堂左

訓導宅在明倫  
堂右

湖南縣志

卷之三 建置

七

射圃詳見學  
校志

社學詳見學  
校志

明參議南公曰予為諸生時見尊經閣左側及儀

門東西有號房三十餘舍諸生居業盈舍中而宮

墻外望者猶歎其隘矣顧今諸生倍於往時即前

三十餘舍俱廢揆之居肆成事之義何如也又嘗

慨射儀不行久矣而圃徒存若里學則盡廢也豈

之觀德養蒙之意又何如邪余輒借為論著

風教者圖焉



岳冠華曰為治以人才為本而庠序則人才所自出也 國家建學降師械樸作人而令澤宮草茂城闕遺譏謂非司土者責乎至於敦實行勵名節渭多士其尚克自重哉

布政分司 在南廂街

按察分司 在儒學西人

分守道 在縣治左

兵備道 在南廂街北名曰西察院

分司 俗名新司在儒學前街南今廢

渭南縣志 卷之三 建置

府館 在分守道左

豐原驛 舊在南廂街北後為兵備道其在道前街南者乃驛丞衙也俗名小館驛後改置東

關馬神廟側按驛即古候館之制驛丞即古遺人之職掌委積以待賓客者也

停驂別署 在通運所左側

通運所 在東關街南後有

駐防廨 舊係里民幫助賃房寓居自雍正元年秋

年知縣岳冠華於東街道南官地捐資葺建廨駐防傳舍有常承免租賃之艱矣

陰陽學 舊附於文昌祠選陰陽生一人羣聚其生徒授業其中仍以時考課之按訓前古無

專官明洪武初置陰陽學即班固所置於右義和之官欽若昊天曆象日月星辰授人時



者也太史公曰陰陽之術太詳而衆忌諱使  
人物而多畏然其序四時之大順不可失也  
**醫學** 舊在縣治東選醫生一人授業考課按訓科  
前代有之無考周禮醫師掌醫之政令凡邦  
之有疾者造正而使醫分而治之劉宋元嘉中始  
詔天下郡縣比口立醫學唐宋因之漢藝文志以  
醫列於方技官之班固曰方技  
者生生之具官之一守也

**僧會司** 在東關即寧寺明洪武間  
設掌周知冊籍各處遊僧

**道會司** 在泰  
寧宮

坊夫

**萬里橋坊** 在滄  
橋東

**安流永濟坊** 在滄  
橋西

渭南縣志 卷之三 建置

九

**飛熊古蹟坊** 在土漲渡西  
渭河北岸

**明黃門坊** 爲盧  
敏

**黃門坊** 爲馬  
國英

**繡衣坊** 爲郭  
文

**上柱國坊** 爲石  
亨

**少宰坊** 爲孫  
弘

**繡衣坊** 爲裴  
斐

**叅政坊** 爲裴  
慧

**繡衣坊** 爲鄭



參政坊為南

繡衣坊為趙

黃門坊為裴

忠節坊為裴

副使坊為薛

世進士坊為賀府及子承光

翰苑坊為南

少司馬坊為孟

府尹坊為孫

渭南縣志

卷之三

建置

都憲坊為孫

大司馬坊為孫

大冢宰坊為孫

翰苑坊為南

大宗伯坊為南

大冢宰坊為南

繡衣坊為楊

大司農坊為張

繡衣坊為史



繡衣坊為劉芳

副使坊為秦隣

五馬坊為李慶麟

繡衣坊為邱民仰

中丞坊為邱民仰

翰苑坊為南居仁

大司空坊為古仁居仁

大司空坊為古益居益

七朝甲第坊為南大吉南逢吉南軒南憲仲南師

渭南縣志

卷之三

建置

十一

貞節坊在下邽鎮為田守愛妻劉氏

清一門五烈坊為舉人劉澹宗妻南氏妾馬氏長女貞次女靜及靜乳嫗梁氏

繡衣坊為王襄明

黃門坊為王承祖

少司空坊為王祖

進士坊為唐廣元

進士坊為劉敬宗

進士坊為劉必揚

進士坊為王長年



進士坊為雷恒

廉明正直坊為邑令黃培

進士坊為吳宸生

進士坊為陳銳

進士坊為權步武

解元坊為王琰

父子聯芳坊為亞元唐韓暨子解元唐若時

解元坊為唐若時

貞節坊為裴子輝妻李氏

渭南縣志 卷之三 建置

十一

岳冠華曰坊表之設庸以勸善此成周表厥宅里遺意也教化之休材俊之盛俱於是見焉渭為京兆巨邑先達名公棹楔林立兵火之餘傾頽者不可勝紀矣錄焉昭勸也卽廢者猶錄示不忘勸也

舖遞

總舖舊在縣治西原設舖司兵三十九名

新安舖縣東十里

赤水舖縣東二十里

胡村舖縣西十里



杜化鋪縣西二里

城店鋪縣西三里

孝義鋪縣東北五十里鋪抵同州五十里以上各鋪皆地震後劉令翽重建者雍正七年知

縣岳冠華重修按舊志由孝義迤西北有二鋪曰董村曰憑信今不詳其所據

岳冠華門周禮行夫掌邦國傳遽之小事或為置

傳或為馳傳或為乘傳或為輶傳傳遞之所謂之

舖舍舖舍立而上下往來令行如流水也不然廢

緩沉滯政安稽乎

橋

渭南縣志

卷之二

建置

十三

關門橋在東郭門外以驟雨暴水衝決大路而架後填修大路泄水於北難橋廢

明光橋在縣東三里明光谷水上康熙九年孫令燾建

西陽橋在縣東五里西陽谷水上

東陽橋在縣東十里東陽谷水上

赤水橋在縣東二十里赤水上

萬里橋在縣西門外滄水上萬曆中王令九叙請於按臺余公懋衡劄以石梁庶子南公師

仲記順治中尚令九遷增修十二眼計十三丈別駕朱公可紆記

杜化橋在縣西十里杜化谷水上今廢

冷河橋在縣西三十里以引冷水灌田故名後水泄流於渭其河遂涸橋廢



三岔橋 在縣西南

板橋

秦橋

杜橋 三橋俱在渭河迤北父老相傳皆以石川河架其後河泄而西流橋皆廢為村

岳冠華曰昔王丹為刺史境內橋壞覆民租車棟然曰刺史之過也償其租而治橋信哉華於此知政焉蓋徒杠輿梁王政所重民不病涉職是故也則夫辰角見而除道天根見而成梁尚可後時乎  
渡

渭南縣志 卷之三 建置

七

上漲渡 在縣北十里官船二隻棹卒十名

下漲渡 在縣東北十里官船二隻棹卒十名

蔡渡 在縣東北三十里係民船

明宗伯南公曰渡之利害船繫之弗堅且巨奚翅阻滯且致覆溺乃船在兩渡有修理官直木廠店稅合三者兼修之故船堅厚深廣為隻每渡或三或四每隻載可三二百人雖洄濤沉澹無阻滯覆溺之患近唯責之棹卒遂脆薄淺狹又每渡不過二隻載不過五七十人止矣欲無留難無禍患也



安得哉且兩船并渡時爲楫卒者又取匿其一騰私船以索直貧民往往病涉夫棹卒額設每渡十名而服役者常不過三四人狂風巨浪抑何利焉此其病在僱直之削矣是役也居屬貧民而應役之苦又獨此輩爲甚枵腹而蹈波濤挽巨楫情何能堪力何能任公家何藉此屑須之利不爲往來計貧役恤也

別駕朱公曰渭水自臨潼東界抵華西界迤邐於渭上者數十里南北無常崩頽不測沿河居民歲

歲稱苦至秋水泛漲則兩岸瀰漫十餘里一往水鄉淹沒田種衝塌廬舍而水手一帶尤甚史義伯先生曾作隄障之人亡工壞尋復爲壑此大災之不可弭者也若於大水之候司牧者不親歷而闕其輕重多寡之數請蠲請賑未必不私蘇民困也不然則被災之民不爲魚鼈亦爲餓殍父母斯民者其念之哉